

«ՀԱՅԲԻՉՆԵՍԲԱՆԿ» ՓԲԸ
Վարչության նախագահ՝

Ա. Չանգուզյան
Ս. Երևան, «29»



ՀՀ Ֆինանսների և Էկոնոմիկայի
նախարարի տեղակալ-գլխավոր
գանձապետ՝

Ա. Չանգուզյան
Ս. Երևան, «...» 2006թ.



Պ Ա Յ Մ Ա Ն Ա Գ Ի Բ

«ՀՀ Ֆինանսների և Էկոնոմիկայի նախարարության տեղական գանձապետական
բաժանմունքների դրամարկղային սպասարկման»

Հայաստանի Հանրապետության Ֆինանսների և Էկոնոմիկայի նախարարությունը՝
ի դեմս նախարարի տեղակալ-գլխավոր գանձապետ՝ պարոն Ա. Չանգուզյանի և
«ՀԱՅԲԻՉՆԵՍԲԱՆԿ» ՓԲԸ-ն ի դեմս վարչության նախագահ՝ պարոն Ա. Կիրակոսյանի
(այսուհետ Կողմեր), իրենց իրավասությունների շրջանակներում կնքեցին սույն
պայմանագիրը հետևյալի մասին.

1. Պ Ա Յ Մ Ա Ն Ա Գ Ի Բ Ա Ռ Ա Բ Կ Ա Ն

- 1.1. Սույն պայմանագրի առարկա է հանդիսանում «ՀԱՅԲԻՉՆԵՍԲԱՆԿ» ՓԲԸ-ի կողմից ՀՀ Ֆինանսների և Էկոնոմիկայի նախարարության տեղական գանձապետական բաժանմունքների դրամ քրած կանխիկ դրամի ստացման չեկերի սպասարկումը, դրանց հիման վրա կանխիկ դրամի տրամադրումը և վերջինիս հետ կապված կողմերի հարաբերությունների կարգավորումը:
- 1.2. Սույն պայմանագրով նախատեսված ծառայության մատուցման առավելագույն գումարը կազմում է 35,000,000 (երեսունհինգ միլիոն) ՀՀ դրամ՝ ներառյալ հարկերը, տուրքերը և այլ պարտադիր վճարները:

2. Պ Ա Յ Մ Ա Ն Ա Գ Ի Բ Ը Ն Գ Հ Ա Ն Ո Ւ Բ Պ Ա Յ Մ Ա Ն Ն Ե Բ Ը

2.1. Սույն պայմանագրում օգտագործվող հիմնական հասկացություններն են.
Նախարարություն՝ ՀՀ Ֆինանսների և Էկոնոմիկայի նախարարություն.
ՏԳԲ՝ սույն պայմանագրով հիշատակվող ՀՀ Ֆինանսների և Էկոնոմիկայի նախարարության տեղական գանձապետական բաժանմունքներ.
Հիմնարկ՝ ՏԳԲ-ներում սպասարկվող ՀՀ բյուջետային (պետական) հիմնարկներ, իրավաբանական անձիք.
Բանկ՝ «ՀԱՅԲԻՉՆԵՍԲԱՆԿ» ՓԲԸ.
Կանխիկ գումարի ստացման չեկ (մառ չեկ)՝ օրենքով սահմանված ձևով կազմված արժեթուղթ, որը պարունակում է ՏԳԲ-ների որևէ բանով չպայմանավորված գրավոր կարգապայությունը Բանկին՝ այն ներկայացնողին վճարել դրամում նշված գումարը կանխիկ ձևով.
Պայմաններ (սահմանված կարգ)՝ սույն պայմանագրով սահմանված արարողակարգերը և պայմանագրի անբաժան մաս կազմող, ՀՀ Ֆինանսների և Էկոնոմիկայի նախարարի 2000 թվականի մարտի 29-ի N38 հրամանով հաստատված «ՀՀ Ֆինանսների և Էկոնոմիկայի նախարարության տեղական գանձապետական բաժանմունքների կողմից

կանխիկ դրամի ստացման չեկերի դուրս գրման և ՀՀ առևտրային բանկերի կողմից այդ չեկերի սպասարկման ընդհանուր պայմանները»:

Պահանջագիր՝ սահմանված կարգով ՏԳԲ-ների դուրս գրած չեկերին համարժեք վերջինիս կողմից բանկ ներկայադրող կանխիկ դրամի ստացման պահանջ:

Բանկային ամփոփ ռեեստր՝ սահմանված կարգով սպասարկված չեկերի հիման վրա բանկի կազմած գրությունը:

2.2. Բանկի կողմից չեկերի սպասարկումն իրականացվում է սահմանված կարգով:

2.3. Սույն պայմանագրի շրջանակներում Բանկ ներկայացնելու նպատակով չեկեր դուրս գրելու վիճարկությամբ օժտված ՏԳԲ-ների ցանկը կցվում է հավելված №1, որը սույն պայմանագրի անբաժանելի մասն է:

3. ԿՈՂՄԵՐԻ ՊԱՐՏԱՎԱՆՈՒԹՅՈՒՆՆԵՐԸ ԵՎ ԻՐԱՎՈՒՆՔՆԵՐԸ

3.1. Նախարարությունը պարտավոր է.

3.2. Ապահովել ՏԳԲ-ների կողմից սահմանված կարգով հետևյալ գործառնությունների կատարումը.

ա/ չեկերի դուրս գրումը.

բ/ բանկին տրամադրել ՏԳԲ-ների կնիքների, չեկի և այն դուրս գրելու իրավունք ունեցող անձի հանձնաց/ ստորագրությունների նմուշները.

գ/ չեկերի դուրս գրման օրը՝ մինչև ժամը 16:30-ն Բանկ ներկայացնել պահանջագիր.

դ/ բանկի կողմից սպասարկված չեկերին համարժեք գումարը փոխանցել վերջինիս նման պահանջ (ռեեստրի) ստանալու օրվան հաջորդող մեկ բանկային օրվա ընթացքում:

3.3. Մինչև յուրաքանչյուր եռամսյակին հաջորդող ամսվա 25-ը բանկին փոխանցել սպասարկման վճար՝ վերջինիս կողմից տվյալ ամսվան նախորդող եռամսյակի ընթացքում սպասարկված չեկերին համարժեք գումարի հավելված N 1-ով սահմանված տոկոսների չափով:

3.4. Սույն պայմանագրի 3.2 կետի «դ» ենթակետի պահանջների խախտման դեպքում յուրաքանչյուր ուշացված օրվա համար բանկին վճարել տույժ՝ չփոխանցված գումարի 0.1 %-ի չափով:

4. ՆԱԽԱՐԱՐՈՒԹՅՈՒՆ ԵՎ ՀԻՄՆԱԻՐՆԵՐԸ ՀԱՄԱՊԱՏԱՍԽԱՆԱԲԱՐ ԻՐԱՎԱՍՈՒՆՆ

4.1. Բանկի կողմից սահմանված կարգի պահանջները խախտելու դեպքում ժամկետից շուտ դադարեցնելու պայմանագիրը: Ընդ որում, սույն պայմանագրի 3.2 կետի «դ» ենթակետին համապատասխան իրականացվելիք վճարումներից զանձել սույն պայմանագրի 7. կետով նախատեսված տույժերը:

4.2. Չրմողունել կանխիկացման չեկի դիմաց Բանկի կողմից տրամադրված այն դրամանիշները, որոնք հնամաշ են և չեն համապատասխանում ՀՀ կենտրոնական բանկի կողմից սահմանված ՀՀ դրամի վճարունակության հատկանիշներին:

5. ԲԱՆԿԸ ՊԱՐՏԱՎՈՐ Է՝

ա/ Մինչև ՏԳԲ-ների կողմից չեկերի նմուշների տրամադրումը իր միջոցների հաշվին ՏԳԲ-ներին տրամադրել չեկային գրքույկներ՝ դրանց նմուշները նախօրոք համաձայնեցնելով նախարարության հետ:

բ/ Անմիջապես և առանց վերապահումների սպասարկել սահմանված կարգով հիմնարկների կողմից բանկ ներկայացված չեկերը:

գ/ Չեկերի դիմաց վճարը կատարել ՀՀ կենտրոնական բանկի կողմից սահմանված ՀՀ դրամի վճարունակության հատկանիշներին համապատասխանող պիտանի դրամանիշներով:

դ/ Բանկային ամփոփ ռեեստրը սահմանված կարգով, մինչև յուրաքանչյուր օրվա ժամը 16:30 ներկայացնել ՏԳԲ:

6. ԲԱՆԿՆ ԻՐԱՍՈՒ Է՝

6.1 Չսպասարկել այն չեկերը, որոնց դուրս գրումը և բանկ ներկայացումը չի համապատասխանում սահմանված կարգին:

6.2 Չընդունել և հետ վերադարձնել այն պահանջները, որոնք ներկայացվել են սահմանված կարգի խախտումով:

7. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

7.1 Աստիճարարությունը պատասխանատու է բաժանմունքների կողմից դուրս գրված չեկերի և դրանցից բխող պարտավորությունների կատարման համար:

7.2 Բանկը պատասխանատու է սահմանված կարգով իրեն ներկայացված չեկերի չսպասարկման համար: Բանկը միանվագ վճարում է տույժ՝ չսպասարկված չեկի (չեկերի) համարժեք գումարի 0.3%-ի չափով:

7.3 Բանկը պատասխանատվություն չի կրում կորցված /գողացված/ չեկերի սպասարկման համար, եթե աշխատի չեկը սպասարկվել է սահմանված կարգին համաձայն՝ մինչև ՏԳԲ-ների կողմից դրա կորստի մասին տեղեկացվելը:

8. ՎԵՃԵՐԻ ԼՈՒԾՄԱՆ ԿԱՐԳԸ

8.1. Սույն պայմանագրի հետ կապված վեճերը լուծվում են բանակցությունների միջոցով: Այն դեպքում, երբ բանակցությունների միջոցով կողմերի միջև ծագած վեճերը չեն լուծվում, կիրառվում են քաղաքացիական դատավարության մասին ՀՀ օրենքությամբ սահմանված ընթացակարգը:

9. ԵԶՐԱՓՈՎԻՉ ԴՐՈՒՅԹՆԵՐ

9.1. Սույն պայմանագիրն ուժի մեջ է մտնում ստորագրման պահից և գործում է մինչև 2008 թվականի հունվարի «01»-ը:

9.2. Եթե պայմանագրի գորողության ժամկետը լրանալուց մեկ ամիս առաջ Կողմերից և ոչ մեկը չի դիմել սույն պայմանագիրը դադարեցնելու առաջարկությամբ, պայմանագիրը համարվում է երկարացված մեկ տարով՝ նույն պայմաններով:

9.3. Սույն պայմանագիրը կազմված է երկու օրինակից, որոնք ունեն միևնույն իրավաբանական ուժը և համապատասխանաբար տրամադրվում են Կողմերին:

10. ԱՅԼ ՊԱՅՄԱՆՆԵՐ

10.1. Սույն պայմանագրում փոփոխություններ կարող են կատարել Կողմերից որևէ մեկի գրավոր առաջարկության առկայության դեպքում՝ երկկողմ համաձայնության պայմաններում:

11. ԿՈՂՄԵՐԻ ԻՐԱՎԱԲԱՆԱԿԱՆ ՀԱՍՅԵՆԵՐԸ

ՀՀ ֆինանսների և էկոնոմիկայի
նախարարություն

ք. Երևան, Մելիք - Աղամյան 1

«ՀԱՅԲԻԶՆԵՍԲԱՆԿ» ՓԲԸ

ք. Երևան, Վարդանանց 13